



NEW ZEALAND QUALIFICATIONS

AUTHORITY



NEW ZEALAND **QUALIFICATIONS** AUTHORITY  
MANA TOHU MĀTAURANGA O AOTEAROA

Te Whakamahi i te NCEA:  
he Aratohu mō ngā  
Ākonga Matua

Nā te mea he ākonga matua koe ināianei, ka hiahia rā koe kia riro mai ai ngā tino painga o ngā tohu i whiwhi i a koe i te kura.

I ngā Tau 12 me te 13 me whakaaro koe ki ngā wāhi hei arotahi māu mō tō akoranga āmua, mō tō aramahi rānei. He mea nui ō hua kaupae 2 – ka whakamahia hoki i ētahi wā e ngā whare wānanga, e ngā kuratini me ngā kaitukumahi hei wāhi o te hātepe kōwhiri. Tērā pea me mahi koe i ētahi paerewa kaupae 3 hei whakaritenga whakauru ki ētahi akoranga tuatoru. Mēnā koe kei te whakaaro ki tētahi aramahi kē, āta tirohia ngā paerewa e hiahiatia ana (tirohia te whārangi i muri, Ētahi pārongo anō).




# Whakaritenga mō ngā Tiwhikete NCEA

**Kaupae 1** – Kia 80 whiwhinga i tētahi kaupae, tae ki te 8 mō te mōhio ki te pānui pukapuka (reo Ingarihi, reo Māori rānei) me te 8 mō te mōhio ki te tatau (Pāngarau)

**Kaupae 2** – Kia 80 whiwhinga – kia 60 te iti rawa i te kaupae 2 neke ake rānei

**Kaupae 3** – Kia 80 whiwhinga – kia 60 te iti rawa i te kaupae 3 neke ake rānei me te 20 whiwhinga i te kaupae 2 neke ake rānei.



## Te whakaaetanga i te paetae kairangi

Kei te mōhio pea koe ka taea te whiwhi tiwhikete NCEA me te whakamananga Kaiaka, Kairangi rānei. Ina riro i a koe ngā whiwhinga NCEA rawaka, otirā he Kairangi te 50 neke atu rānei o ēnei, ka whiwhi koe i te NCEA me tētahi tautoko Kairangi. Ina riro i a koe ngā whiwhinga Kaiaka e 50 neke atu rānei (he huinga rānei o te Kaiaka me te Kairangi), ka whiwhi koe i te NCEA me te tautoko Kaiaka.

He tino whitake tonu te whai kia riro ai ēnei whiwhinga Kaiaka, Kairangi rānei; mā reira e whakanuia tika ai ō pūkenga. E āta titiro ana ngā kaitukumahi me ngā kaiwhakarato akoranga ki te pai o tō whiwhinga, kāore noa iho ki te nui o ō whiwhinga.

## Whakauru Whare Wānanga

Kia whakaaetia tō uru atu ki tētahi Whare Wānanga o Aotearoa me ētahi atu kaiwhakarato akoranga tuatoru nā runga i te NCEA, ko te itinga rawa e hiahiatia ana:

- Kaupae 3 neke ake rānei – kia 42 whiwhinga, me te whiwhinga iti rawa o ētahi whiwhinga 14 nō ngā marau e rua o te rārangi “marau whakamana,” me ētahi whiwhinga 14 anō nō ētahi atu huinga pū e rua anake o te Taura Here Tohu Mātauranga o Aotearoa (NQF), o ngā “marau whakamana” rānei ME TE
- Kaupae 2 neke ake rānei – kia 8 whiwhinga mō te reo Ingarihi, reo Māori rānei; kia 4 rawa mō te pānui, kia 4 anō mō te tuhituhi. Ka kōwhiria ēnei nō tētahi rārangi o ngā paerewa whakamana ME TE
- Kaupae 1 neke ake rānei – kia 14 whiwhinga mō te Pāngarau.

|                                 |   |   |  |
|---------------------------------|---|---|--|
| Whakaurunga Whare Wānanga       | <b>Kaupae 3 neke ake rānei – kia 42 whiwhinga</b>   |   |  |
|                                 | Kia 14 whiwhinga i tētahi “marau whakamana”   | Kia 14 whiwhinga i tētahi “marau whakamana” | Me ētahi whiwhinga 14 anō nō ētahi atu huinga pū e rua anake o te NQF, o ngā “marau whakamana” rānei |
|                                 | <b>Kaupae 2 neke ake rānei</b>  |   |  |
|                                 | Kia 8 whiwhinga mō te reo Ingarihi, reo Māori rānei (otirā kia 4 mō te pānui, kia 4 mō te tuhituhi) |   |  |
|                                 | <b>Kaupae 1 neke ake rānei</b>  |   |  |
| Kia 14 whiwhinga mō te Pāngarau |   |   |  |

Ko te Whakaurunga Whare Wānanga te whakaritenga iti rawa atu hei uru ki te whare wānanga. He whakaritenga akoranga tauwhāiti o te maha o ngā whare wānanga me ngā kaiwhakarato akoranga tuatoru. Mā te whiwhinga Kaiaka me te whiwhinga Kairangi e pai ake ai te whakaaetanga kia uru koe ki te akoranga kua kōwhiria e koe. Tērā pea me whiwhi koe i ētahi paerewa kaupae 3 rawa hei whakaritenga whakauru ki ētahi akoranga tuatoru. Me kōrero koe ki tētahi nō te whakahaerenga e whakaaro nā koe ki reira ako ai.



## Karahipi Aotearoa

Ka aromatawaitia ā-wahotia te Karahipi Aotearoa, ā, kua hoahoatia hei whakamātau i ngā ākonga tino pai rawa atu me te whakarato pūtea hei āwhina i ngā akoranga tuatoru.

Ka aromatawaitia ngā ākonga noho Karahipi mō tō rātou āhei ki te whakaaro kōtaha me te whakaaro waitara. Kei roto i ngā whakamātautau te mōhiotanga, ngā pūkenga me ngā ariā o ngā paerewa paetae kaupae 3, engari teitei rawa ake te paerewa mahi e hiahiatia ana.

I te tau 2008, e 2038 ngā ākonga i whiwhi Karahipi i tētahi marau neke atu rānei. Tekau ngā ākonga i whiwhi Whakawhiwhinga Tuatahi (\$10,000 te uara ia tau mō te toru tau), ā, e 47 atu anō i whiwhi Whakawhiwhinga Ākonga Whakahara (\$5000 te uara ia tau mō te toru tau). Arā tonu tētahi paearu iti rawa atu mō ēnei tino whakawhiwhinga, ahakoa ka taea tēnei e koe, kāore tonu e whakapūmautia tētahi whakawhiwhinga māu.

Ina pīrangī koe ki te noho Karahipi mō te marau kotahi neke atu rānei, kōrero atu ki ō kaiako.

## Ka wehe atu au i te kura, ka pēhea te whakamanatanga o aku hua?

Kei te whakaetia te NCEA me ērā atu tiwhikete ā-motu e ngā kaitukumahi ā, ka whakamahia hoki hei paerewa kōwhiringa mō ngā whare wānanga me ngā kuratini. Kei te NCEA kaupae 2 ngā pūkenga taketake e hiahiatia ana mō te whiwhi mahi. E ai ki te rangahau tūwehe, he tohu pai te NCEA hei matakite i te angitu ka puta i te tau tuatahi i te whare wānanga. Ko te aromatawai ā-roto hoki, i te roanga o te tau, he ōrite ki ngā tikanga akoranga tuatoru me ngā tikanga i te wāhi mahi.

Ka tukua mā te mēra ngā Pānui Hua o te Taura Here Tohu Mātauranga o Aotearoa (NQF) ki ngā ākonga i te mutunga o Kohitātea ā, ka puta hoki ki runga ipurangi i taua wā tonu. Ka whakaatu tō Pānui Hua i ngā paerewa katoa i whakaurua e koe (aromatawai ā-roto, ā-waho hoki) me ērā i whiwhi, kāore hoki i whiwhi. Hei te Paengawhāwhā/Haratua ka tae atu ki a koe ngā tiwhikete NCEA i oti i te tau i mua atu.

Ina wehe atu koe i te kura, ka whiwhi koe i tētahi Whakarāpopoto Hua Kura (WHK), e whakarārangi ana i ngā paerewa katoa i whakamātauria e koe me ngā hua e whakarārangitia ana e ai ki te marau me te kaupae, tae atu hoki ki ngā hua Kāore i Whiwhi.

Ka taea hoki te tono tārua o tō Pūrongo Paetae (PP) i te NZQA, ka taea rānei mā te ipurangi. He rerekē tēnei i te WHK nā ngā mea ka whakaaturia me te āhua whakarōpū. Ko te tikanga o te PP, he pūrongo paetae mō ake tonu atu ā, ka whānui haere i a koe ka whiwhi paerewa hōu tonu i te akoranga tuatoru me te whakaakoranga ahumahi.

Ka hāngai ēnei tuhinga mō ō kōrero paetae kia tino mārama ai ki ngā kaitukumahi me ngā kaiwhakarato mātauranga tuatoru.

Ka taea te hanga whakarāpopototanga o ō hua mā [www.nzqa.govt.nz/login](http://www.nzqa.govt.nz/login) (mā te whakamahi i tō Tau Ākonga ā-Motu hei whakaurutanga). Ina titiro koe ki tō Pūrongo Paetae, ka āhei koe ki te titiro ki tētahi rārangi kōwhiri. Mutu ana tō kōwhiringa, ka āhei koe ki te tārua i ngā kōrero me te tāpiri atu ki tō tātai pūmanawa (CV), ki te tā noa rānei.

I tua i te whakaatu i ō tohu mātauranga katoa, me tāpiri anō koe i ngā tiwhikete motuhake ā-motu kua whiwhi, kāore anō rānei kia oti. Ka taea hoki te whakarāpopoto ngā marau me ngā pūkenga kua mahia e koe i ō akoranga i te kura.


## Ka whai painga anō te NCEA ina haere au ki tāwāhi?

Ko ngā NCEA ngā tohu mātauranga ā-motu o ngā kaiwehekura o Aotearoa. Ka whakaaetia tonutia i tāwāhi, tae atu ki ngā whare wānanga.

He whakaaetanga ā-tohu mātauranga tō Aotearoa me Ahitereiria me Pirite ne Nui (UK), otirā kei te whakaaetia whānuitia ō tātou tohu mātauranga i Te Hononga o Amerika. He āhua ōrite te NCEA kaupae 3 ki tō Pirite ne Nui Tiwhikete Mātauranga Whānui (GCE) kaupae-A, otirā i Ahitereiria, he āhua ōrite ki te Tiwhikete Mātauranga Tuarua Matua hāngai o te rohe, o te takiwā rānei.

Kei te whakamahia ngā hua NCEA kaupae 3 i te Taupū Tuatoru Waengarohe o Ahitereiria e whakamahia ana hei whakaurutanga ki ngā whare wānanga o Ahitereiria katoa. Ki te whakaae atu koe, ka tukua ā-ipurangitia ō hua ki ngā mana o Ahitereiria e NZQA i te marama o Kohitātea.

Mēnā he ākongā nō tāwāhi koe e ako ana i Aotearoa, me matapaki tahi koe i ō mahere mātauranga tuatoru me ō kaiako. Mā rātou koe e āwhina ki te whakamahere i te akoranga e tika ana māu i te kura.



## Ētahi pārongo anō

He rauemi pārongo whaihua te wāhi 'Info for Students' i te paetukutuku a NZQA [www.nzqa.govt.nz/ncea](http://www.nzqa.govt.nz/ncea) tae atu ki:

- te ripanga whakamātautau
- he pepa whakamātautau o mua
- he tohutohu mō te ako, me ētahi atu mea.

|                     |   |
|---------------------|---|
| NCEA                | Kōrero ki tō kura, whakapā atu rānei ki NZQA: <a href="http://www.nzqa.govt.nz/ncea">www.nzqa.govt.nz/ncea</a><br>04 463 3000, 0800 697 296 rānei   |
| Tohutohu<br>Aramahi | Kōrero ki tētahi kaitohutohu aramahi i tō kura, whakapā atu rānei ki te Ratonga Aramahi: <a href="http://www.careers.govt.nz">www.careers.govt.nz</a><br>0800 222 733   |
| Tohu<br>Mātauranga  | Te whakatauriterite i ngā tohu mātauranga katoa: <a href="http://www.kiwiquals.govt.nz">www.kiwiquals.govt.nz</a><br><br>Te whakapā atu ki tētahi whakahaere whakaako ahumahi: <a href="http://www.itf.org.nz">www.itf.org.nz</a> |
| Pūkenga ako         | Te kite i ngā mea e hiahiatia ana hei ako i te NCEA: <a href="http://www.studyit.org.nz">www.studyit.org.nz</a>   |

Te Mana Tohu Mātauranga o Aotearoa  
Waea: 04 463 3000, 0800 697 296 rānei  
Īmēra: [helpdesk@nzqa.govt.nz](mailto:helpdesk@nzqa.govt.nz)  
[www.nzqa.govt.nz/ncea](http://www.nzqa.govt.nz/ncea)

